

Zvornik

Most na Drini

Le pont

sur la Drina

Drinabrücke



Foto *Putnik*

soku brijegu. Zatim izlet u Vranduk (548 m), koji leži veoma slikovito na strmoj hridi uz planinu Seledvu (1079 m). Pod njim šumi rijeka Bosna, koja tuda protječe u naglu zavijutku. Tu se nad samim tunelom, kroz koji prolazi drum, dižu zidine staroga grada s još dobro očuvanom kulom, odakle puca krasan vidik na desnu i lijevu dolinu Bosne. Zbog svoga naročitog strateškog položaja Vranduk je izvršio znatnu zadaću u povijesti Bosne.

TUZLA

Leži u dolini Jale, jugozapadno od planine Majevice (815 m), koja je poznata po rudnom bogatstvu i veoma razvijenoj industriji. Samo sô, koja se u bogatim ležajima nalazi pod Tuzlom, izvozi se u veliku množtvu (oko 6000 vagona na godinu). Nekada se mjesto zvalo Solj i pod tim imenom se podrazumijevala cijela okolica današnje Tuzle. Turci su to ime jednostavno preveli na svoj jezik (tuz = so). Već u 10 vijeku spominje se Tuzla kao znamenito mjesto rudarske proizvodnje, te je često prelazilo iz ruke u ruku, dok nije konačno pripalo Turcima. Na 12 km od Tuzle nalazi se Lukavac, gdje se pravi amonijačna soda (3000 vagona na godinu).

U Tuzli ima velik broj javnih zgrada, među kojima se ističe golema palača gimnazije. Tuzla je sjedište srpsko-pravoslavnog episkopa zvorničko-tuzlanskog.

Mjesto je lijepo uređeno, ima pravilne ulice i lijepe parkove, moderan hotel, Oficirski dom i dr. Ima nekoliko liječnika i ljekarnika.

Autobusna veza: za Brčko, Zvornik, Bijeljenu, Tuzlanski Kiseljak i Kalanj.

U okolini Tuzle ima nekoliko poznatih lječilišta: 1) zemljani Kiseljak na Spreči, 2) Kiseljak u Dragunji, 3) Slani izvori u Tuzli.